



تاریخ وادست

ط ۱۳۳۶

مجموعه

طوبیلا تمامق اوزره بتون آفاقه طاعلدم

باق حاله ای زلف که سندن بتر اولدم

مرغ چمن عالم قدسم، اسف ایتم

بن کرچه بویرانده اشکسته پر اولدم

عاشق اوله لی دیده مخمورینه یارک

میخانه بیخانه کز در بدر اولدم

بر عد ایدم لی قهری ایله لعنفی حتمک

آزاده سر دغدغه خیروشر اولدم

ایلر سه نه وار شمشعه مه غبطه سموات

بن خسرو عرفانه بوکون تاج سر اولدم

(محبی) ایدم لی نسخه تکوینی تأمل

استاد امیری کبی عالی نظر اولدم

دیگر نظائر

غزل

باقه وجود آدمی برق بلا کبی

دترمه خلق عالمی برد ستا کبی

باقدک که یوق زمانه ده بر صاحب وفا

چیقی خلق عالمک آرم سندن وفا کبی

اللهه ارتباط ایله قیل کسب اعتلا

عزم ایت حضور خالقه خالص دعا کبی

بیگانه مشرب اونه صافین کندی جنسکه

هر آدمه معامله ایت آشنا کبی

یاغدر جهانیه قطره باران لطفکی

محو ایتمه برک مطلب خلق غلا کبی

هر مشربك ينه اوله مزسك موافق
 وقف اولسه نفع خلقه وجودك دوا كې
 همجنسكه كدر كې اوله ضرر نما
 روح لطيف هر كه بخش ايت صفا كې
 ويركسان عالمه برفيض بي وجود
 آيينه تنله دوشمه صبا كې
 هر نغمهك اولسون آنده عيان در عيان غيب
 هم پرده خناده مقيم اول صدا كې
 كوستر (اميرى) سن دخى برنوبهار فيض
 سى ايت نظام عالمه آب وهوا كې

شيخ الاسلام مشهور مرحوم ابوالسعود افندى
 حضرتلى احفادندن وحدتى زاده سمودى بك افدينك
 استادانه ، نوازشكارانه نظيره لى

دوشمه لسان ذلته حرف رجا كې
 قال منفرد بوقه ده برخوش صدا كې
 بادسموم نفسه اويوب اوله تند وسخت
 اوقشا قلوب خلقى نسيم صبا كې
 زنهار آتله حضرة كبرور عونته
 ايله نفوذ قلب جهانه ضيا كې
 بود ونبود قيدنى محو ايله سينه دن
 اول صاف وباك وارسه علوك سما كې
 مردان حقه قجه كردون بي وفا
 بيكانه در كورنسه دخى آشنا كې